



1. Hver sagði upp starfi sínu sem framkvæmdastjóri Sjálfstæðisflokksins í gær?
2. Hvaða barnastjarna fer með hlutverk í kvikmyndinni Push?
3. Hver er framleiðandi Draumalandsins?

SVÖR Á SÍÐU 58

Fréttablaðið kannar afstöðuna til aðildarviðræðna að Evrópusambandinu:

Fækkar heldur sem styðja viðræður

SKOÐANAKÖNNUN Þeim fækkar heldur sem vilja viðræður um aðild Íslands að Evrópusambandinu, samkvæmt skoðanakönnun Fréttablaðsins. Nú segjast 45,6 prósent fylgjandi viðræðum, en fyrir tveimur vikum vildu 46,6 prósent viðræðum. Munurinn milli kannana er innan skekkjumarka.

Samkvæmt könnuninni eru 54,4 prósent landsmanna andsnúnir viðræðum en 45,6 prósent hlynnt þeim. Vikmörkin eru 3,9 prósentustig, og er því marktækur munur á milli þeirra sem eru fylgjandi og þeirra sem eru andsnúnir aðild.


Eins og áður er ekki marktækur munur á afstöðu karla og kvenna. Meiri munur er á afstöðu fólks eftir búsetu. Alls vilja 51,8 prósent höfuðborgarbúa aðildarviðræður, en 36,9 prósent þeirra sem búa á landsbyggðinni.

Kjösendur Samfylkingarinnar skera sig úr hvað varðar fylgi við aðildarviðræður og segjast 86,5 prósent hlynnt viðræðum. Næsthæst er hlutfallið hjá þeim sem segjast myndu kjósa Framsóknarflokkinn væri gengið til kosninga nú. Af þeim sögðust 43,2 prósent hlynnt viðræðum.

Alls sögðust 28,7 prósent fylgismanna Vinstri grænna hlynnt aðildarviðræðum. Hlutfallið er enn lægra hjá þeim sem kjósa myndu Sjálfstæðisflokkinn, eða 24,6 prósent.

Hringt var í 800 manns þriðjudaginn 7. apríl og skiptust svarendur jafnt eftir kyni og hlutfallslega eftir búsetu. Spurt var: Á Ísland að sækja um aðild að Evrópusambandinu. 77,5 prósent tóku afstöðu til spurningarinnar.

Á að sækja um aðild að Evrópusambandinu?



- bj

BETRA START MEÐ EXIDE-RAFGEYMMUM

Eigum fyrirleggjandi mikið úrval rafgeyma frá Exide, ýmsar stærðir og gerðir fyrir bíla, báta og önnur tæki. Gæðaframleiðsla sem reynst hefur afar vel við íslenskar aðstæður.



EXIDE

olis

Upplýsingar í síma 515 1100
Sendið pantanir á pontun@olis.is

Efnahagskreppan í Bretlandi:

Tvö ár þar til botni er náð

VIÐSKIPTI Ekki er útilokað að samdráttar gæti í Bretlandi í eitt ár til viðbótar og tvö ár líði þar til hagkerfið taki við sér á ný. Þetta kemur fram í skýrslu bresku Rannsóknarstofnunarinnar um hagfræði- og samfélagsrannsóknir (e. National Institute of Economic and Social Research) sem er ein virtasta sjálfstæða hagfræðistofnun landsins.

Þar er sömuleiðis bent á að efnahagskreppunni í Bretlandi nú svipti mjög til niðursveiflunnar í byrjun níunda áratugar síðustu aldar.

Síðustu spár benda til að breska hagkerfið hafi dregist saman um 1,5 prósent á fyrsta ársfjórðungi, að sögn breska ríkisútvarpsins.

Stýrivextir í Bretlandi standa nú í 0,5 prósentum og hafa þeir aldrei verið lægri. Ekki er búist við breytingum þar á.

- jab



JARÐRASKIÐ Í HEIÐMÖRK Fulltrúar Skógræktarfélagssins og náttúruverndarsamtaka töluðu um að tuttugu ára vinna væri unnin fyrir gýg.

FRÉTTABLAÐIÐ/DANIEL

Nordic Tourism

Inspiration – Innovation – Destination

Edinborgarhúsið, Ísafirði

28. apríl 2009 kl. 09:00 – 15:30

Iðnaðarráðuneytið, Norræna nýsköpunarmiðstöðin (NICE) og Nýsköpunarmiðstöð Íslands í samstarfi við Norrænu ráðherranefndina efna til ráðstefnu um ferðapjónustu á Norðurlöndum.

Á ráðstefnunni verður meðal annars fjallað um mikilvægi nýsköpunar í ferðapjónustu, uppbyggingu áfangastaða og viðbrögð ferðapjónustunnar við efnahagsáfallum.

Eftir ráðstefnuna er gestum boðið í skoðunarferð um nágrennið og til kvöldverðar.

- ▶ Nýsköpun í kreppu
- ▶ Uppbygging áfangastaða: Samstarf fyrirtækja, ríkis og sveitarfélaga
- ▶ Hvað hefur ferðapjónustan lært af fyrri efnahagskreppum?
- ▶ Menntun í ferðapjónustu og yfirfærsla þekkingar á Norðurlöndum
- ▶ Áfangastaðir í ferðapjónustu: Árangur Voss í Noregi

Fyrirlesarar

Anne Grethe Bakke, framkvæmdastjóri, Voss. Benedicte Wildhagen, ráðgjafi Norwegian Design Council. Claus Rex Christensen, VisitDenmark. Guðrún Helgadóttir, prófessor við Háskólann á Hólum. Jill Hellman, ráðgjafi við Strategy Learning Center í Bandaríkjunum og Cornell háskóla. Maja Biilmann, Greenland Tourism & Business Council. Sigrún Jakobsdóttir, bæjarstjóri á Akureyri. Yrjö Timonen, frumkvöðull og framkvæmdastjóri skíðasvæðisins Messilä í Finnlandi.

Ráðstefnustjóri

Ólöf Ýrr Atladóttir, ferðamálastjóri

Ítarlegri dagskrá, skráning og bókun á flugi er á vef Vesturferða, www.vesturferdir.is.



Heiðmerkur- máli vísað frá héraðsdómi

Skógræktarfélag Reykjavíkur fær ekki bætur frá Kópavogsbæ og verktakafyrirtækinu Klæðningu vegna trjáa sem felld voru í Heiðmörk í febrúar 2007. Félagið telst ekki eigandi að trjánum.

DÓMSMÁL Héraðsdómur Reykjavíkur hefur vísað frá dómi skaðabótamáli Skógræktarfélagssins Reykjavíkur á hendur Kópavogsbæ og verktakafyrirtækinu Klæðningu ehf. Félagið fór fram á 21 milljón króna vegna 559 trjáa sem felld voru í Heiðmörk í febrúar árið 2007. Dómurinn kemst að því að Skógræktarfélagið sé ekki réttmætur eigandi trjáanna, heldur Reykjavíkurborg.

Töluvert var fjallað um málið í fjölmiðlum á sínum tíma. Það snerist um lagningu vatnsleiðslu í gegnum Heiðmörk, þar á meðal í gegnum Þjóðhátíðarlundinn svokallaða. Matsmenn voru fengnir til að meta hversu mörg tré voru fjarlægð og hvert virði þeirra væri. Talað var um í fjölmiðlum að tuttugu ára vinna á svæðinu væri unnin fyrir gýg.

Skógræktarfélagið hefur um áratugaskeið haft umsjón með trjánum á svæðinu, þótt Reykjavíkurborg sé eigandi svæðisins. Deilt var um það í málinu hver væri réttur eigandi að trjánum á svæðinu.

Skógræktarfélagið benti á að því hafi verið falin umsjá með

Heiðmerkursvæðinu, bæði rekstri og framkvæmdum þar, allt frá því að stofnað var til þess fyrir um hálfri öld. Félagið hafi séð um trjáplöntun og nýtt allar skógarafurðir. Ekki sé því vafi á að félagið sé eigandi trjáanna og réttur viðsemjandi um bætur vegna þeirra. Undir þetta tók lögmaður Reykjavíkurborgar í bréfi til Kópavogsbæjar.

Í niðurstöðu héraðsdóms segir að af reglum um Heiðmerkursvæðið, sem kveðið er á um í samningi Reykjavíkurborgar og Skógræktarfélagssins, megi ráða að „landnemar geti ekki gert tilkall til eignarréttar að þeim trjám sem þeir planta í þær spildur sem þeir hafa fengið til umráða með samningum...“ Skógræktarfélagið eigi því ekki trén.

Ljóst sé hins vegar að félagið eigi hagsmuna að gæta varðandi svæðið að því er varðar hagnýtingu skógarafurða af ýmsu tagi. Bótakrafa í skjóli þeirra réttinda verði hins vegar ekki grundvöllur á mati á smásólverði trjáanna sem fóru forgörðum við aðgerðirnar. Málinu er því vísað frá.

stigur@frettabladid.is